



BOLETÍN DEL CLERO DEL OBISPADO DE LEON

COLLATIONES MORALES PRO MENSE AUG.

1.^a

Quid irreligiositas et quae ejus species. = Quid tentatio Dei et quotuplex. = Quandonam tentatio Dei sit peccatum grave = quando vero leve.

Casus.

Lucrecia, pia foemina et dives valde ne manifesta fiant maxima misericordiae opera quae in pauperes et affectos continuo exercet, susurrationses et calumnias concivium, a quibus avara reputatur, patienter feret in Deo cui cura est de omnibus confidens; quae cum in gravem morbum incidisset ob saepe repetita jejunia, consilia medici respuens, a jejunando non abstinet etiam cum vitae periculo, assereus vitam a solo Deo pendere qui potens est ad perfectam sanitatem, si vellet, eam revocare. Quid de agendi ratione Lucrecia?

Quaestio liturgica.

In absolute pro sacerdote defuncto, cujus cadaver non est physice praesens, quo loco sistere debet crucifer cum acolythi?

2.^a

Quid sacrilegium et quotuplex = an sit semper peccatum grave = quae dicantur personae sacrae = quid sacrilegium personale = quotuplici modo committitur = an violatio personae ligatae voto simplici castitatis extra religionem sit sacrilegium.

Casus.

Lucia puella quae paternam domum deseruit ut luxuriose cum Atilano viveret, facti poenitens, ut Deo vacare et suae prospicere saluti possit, domum religiosam ingreditur, ubi emittit votum simplex castitatis; sed vitae religiosae pertaessa et mundanaliū minor cum amassio voti conscio iterum fugit et peccat. An uterque sit reus sacrilegii?

Quaestio liturgica.

In quo consistat nova rubrica de unica oratione in Missis pro die obitus vel depositionis et utrum eadem sit ac antiqua vel diversa.

3.^a

Quae dicantur loca sacra=quid sacrilegium locale=quotuplici modo committitur=an omnia peccata luxuriae in ecclesia commissa sint sacrilegia=an omne furtum.

Casus.

Petrus dum sacro interesset, desideriis libidinosi indulgens Martham quibusdam turpibus signis allicit ad peccatum; parochum vero qui accensus ira eo quod hujusmodi signa notasset, volebat e templo profanum ejicere alapis percutit. Quotuplex sacrilegium commisit Petrus?

Quaestio liturgica.

Missa *de Requiem* cum cantu bis vel ter indulta infra hebdomadam extra octavas privilegiatas, dicine potest infra octavam Nativitatis Domini?

4.^a

Quae dicantur res sacrae=quid sacrilegium reale=quotuplici modo potest committi=an quorumcumque bonorum ecclesiasticorum laesio sit sacrilegium = an vasa et vestes sacrae verti possint in usum profanum.


Casus.

Lambertus, mercator, dum bona, quae nationalia dieta sunt, vendarentur, domum quamdam religiosam emit cum omnibus

etiam mobilibus inter quae vasa et vestes sacras ex inadvertentia forte relicta invenit; vasa anercatori vendidit, vestes autem in usum domesticam vertit; an reus sit sacrilegii?

Quaestio liturgica.

Quid jus antiquum liturgicam, quid praeseus decernat super numero et qualitate orationem, praecipue super prima in missis quotidianis defunctorum et quibus momentis jus vicens coonestari possit?



CONGREGACIONES ROMANAS

E. R. S. UNIV. INQUISITIONE

Circa modum recipiendi abiurationem haereticorum qui ad fidem catholicam convertuntur

Per Responsum S. Congregationis datum Episcopo Bituntino die 2 Ianuarii 1669 (quod Decretum juxta responsum a S. Officio die 21 Dec. 1895 Episcopis Borussiae datum adhuc viget) declaratum est: posse Episcopos auctoritate *ordinaria* haereticos sponte comparentes in exteriori foro absolvere «post *abiurationem iuridice factam*»

Diversae ultimis annis erant in hisce regionibus opinionoes de huiusce clausulae vigore. Nam alii opinabantur praedictam Episcoporum ordinariam facultatem tunc tantum executioni posse mandari, quando moto iudiciali Episcopus procedit; sic ex. gr. unus ex Germaniae Ordinariis, vir in iure canonico peritissimus, litteris ad hanc Curiam missis sententiam suam esse exposuit, quod Episcopus hac ordinaria facultate uti volens debeat haereticum inducere ad abiurationem *coram Notario et duobus testibus* pronuntiandam. Quae opinio habet aliquod fundamentum in citato S. Officii Decreto, quippe quod poscit praecedere absolutioni abiurationem *iuridice factam*.

Sed eiusmodi iudicialis aut iuridica abiuratio nusquam in Germania in usu est. In regionibus acatholicis, ubi conversiones ad fidem saepius fiunt, nulla est copia Notariorum catholicorum. Accedit quod valde consultum est ut haereticis conversis *modus* adiurandi *facilis* et commodus reddatur et ut conversiones nullum strepitum vel admirationem excitent, quod fieret, si iudiciales aut iuridicae formae adhiberentur.

Hinc ubique locorum usus est, ut abiuratio erroris et fidei catholicae professio perficiatur coram parocho et uno teste, vel, si necessitas ita expostulat, coram solo parocho sed semper ita ut abiuratio in exteriori foro compareat et probari valeat. Idcirco abiuratio non tam actus iudicialis aut *iuridicus*, sed magis actus *pastoralis* officii censi debet, sed semper validus etiam pro exteriori foro.

Quae cum ita sint, subscriptus Episcopus N. N., ut sensus citati Decreti non ansam praebet dubiis, a Sacra Inquisitionis Congregatione humillime petit, ut declaretur, num possit Episcopus *ordinaria* sua facultate absolvendi haereticos etiam tunc uti, si non fiat abiuratio in stricto sensu *iuridica*, sed coram solo sacerdote ab Episcopo delegato ut coram tali sacerdote et testes.

Feria IV, die 28 Martii 1900

In Congregatione Generali S. R. et U. Inquisitionis, ab Eminentissimis ac Reverendissimis DD. Cardinalibus in rebus fidei et morum Generalibus Inquisitoribus habita, propositis suprascriptis precibus, praehabitoque RR. DD. Consultorum voto, omnibus rite diligenterque perpensis, iidem Emi. ac Rmi. Patres respondendum mandarunt:

Respondeatur Episcopo ad mentem, Mens est quod abiuratio fieri potest coram quopiam ab Episcopo delegato ut notario et aliquibus personis uti testibus; et detur instructio 8 Aprilis 1786 ad Episcopum Limericem.

Praefacta instructio sic se habet: «Non est necesse ut qui
»a catholica fide defecerunt, ad eamque postmodum reverti cu-
»piunt, publicam abiurationem praemittant, sed satis est ut
»privatim coram paucis abiurent, dummodo tamen promissa
»servent, ac revera abstineant communicare cum haereticis in
»spiritualibus aut quidquam facere quod haeresis protestativum
»sit. Idem sentiendum de iis qui haeresim, in qua usque ab
»initio educati fuere, privatim abiurent.»

Sequenti vero feria VI, die 30 eiusdem mensis et anni, in
solita audientia a SSmo. D. N. Leone Div. Prov. Pp. XIII R. P. D.
Adessori impertita, facta de his omnibus relatione, SSmus.
Dnus responsionem EEmorum Patrum adprobavit.

I. CAN. MANCINI, S. R. et U. Inquis. Not.

E SACRA CONGREGATIONE RITUUM

Dubia circa Missas lectas de Requie

Ad quandam controversiam tollendam circa interpretationem
decretorum 3903 *Aucto* 8 Junii 1896 et 3944 *Romana* 12 Ianua-
rii 1897 quoad Missas lectas de Requie, hodiernus Caeremonia-
rum magister Basilicae Cathedralis Vicensis in Hispania, de
consensu sui Reverendissimi Episcopi, Sacrorum Rituum Con-
gregationi sequentia dubia enodanda humillime exposuit; ni-
mirum:

I. Utrum ex enunciatis decretis Missae lectae, quae a Sa-
cerdotibus celebrantur in Ecclesiis et Oratoriis civitatis pro
defuncto, cadavere insepulto vel sepulto non ultra biduum a
die obitus seu depositionis, celebrari valeant de *Requie*, dum-
modo in parochiali Ecclesia fiat funus cum Missa exequiali; an
hoc privilegium sit proprium tantummodo Ecclesiae, in qua
funus peragitur cum sua Missa exequiali?

II. Utrum quilibet Sacerdos possit unam tantum Missam de Requie celebrare, vel plures, diversis diebus, dummodo cadaver sit insepultum non ultra biduum?

III. Utrum pro defuncto, qui morabatur in civitate et obierit extra civitatem, possint etiam in ipsa civitate praedictae Missae lectae de Requie celebrari?

IV. Quomodo intelligenda sit praesentia physica vel moralis requisita in decretis suprarelatis?

Et Sacra eadem Congregatio, ad relationem subscripti Secretarii, exquisita sententia Commissionis Liturgicae, rescribendum censui:

Ad I. *Negative* ad primam partem, *Affirmative* ad secundam.

Ad II. Stetur Decretis.

Ad III. et IV. Provisum in praecedentibus; et Missae privatae de Requie non nisi in Ecclesia vel Oratorio publico permittuntur ubi fit funus cum Missa exequiali: in Oratoriis autem privatis Missae, quae ibidem legi permittuntur, possunt, esse de Requie, praesente cadavere in domo, servatis ceteris clausulis et conditionibus.

Atque ita rescripsit. Die 3 Aprilis 1900.—CAI CARD. ALOISI-MASELLA, S. R. C. Pro-Praef.—L. ✠ S.—D. PANICI, S. R. C. Secret.

RITUS ET FORMULA

BENEDICTIONIS ATQUE IMPOSITIONIS SCAPULARIS SACRI CORDIS IESU

Suscepturus Scapulare Sacri Cordis Iesu genuflectat, et sacerdos Apostolica facultate pollens, stola alba indutus, capite detecto dicat:

Ÿ. Adiutori in nostrum in nomine Domini.

℞. Qui fecit coelum et terram.

Ÿ. Ostende nobis, Domine, misericordiam tuam.

℞. Et salutare tuum da nobis.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

OREMUS

Domine Iesu, qui ineffabiles Cordis tui divitias Ecclesiae sponsae tuae singulari dilectionis beneficio aperuisti: hoc scapulare eiusdem Cordis tui emblemate decoratum bene ☩ dicere digneris: ut quicumque illud devote gestaverit, intercedente Beata et Clementissima Genitrice tua Maria, virtutibus et donis coelestibus ditari mereatur: Qui vivis et regnas etc.

Postea Sacerdos Scapulare aspergit aqua benedicta illudque imponit, dicens:

Accipe, frater, hoc scapulare Sacri Cordis Iesu, quo ornatus in honorem et memoriam amoris et passionis eius, per intercessionem Beatae Mariae Virginis Matris Misericordiae divinae gratiae largitatem et aeternae gloriae fructum consequi merearis. Per eundem Christum Dominum nostrum (1).

Deinde una vice cum adscripto dicat sive latino sive verniculo idiomate sequentes preces iaculatorias:

Iesu mitis et humilis corde, fac cor nostrum sicut cor tuum.

Maria mater gratiae, mater misericordiae, Tu nos ab hoste protege, et mortis hora suscipe.

DECRETUM

Quo caritas Dei per Spiritum Sanctum diffusa constanter maneat et regnet in cordibus hominum, mirabiliter confluent divina sacramenta et religiosae celebritates

Inter has accensenda est solemnitas in honorem Sacri Cordis

(1) Si scapulare muliere imponatur, dicatur: *Accipe Soror* etc. Si vero pluribus, tum omnia plurali numero dicantur.

Iesu ab Ecclesia instituta, per quam non modo Cor Filii Dei et hominis adorandum et glorificandum proponitur, sed etiam symbolice renovatur memoria illius divini amoris quo idem Unigenitus Dei Filius humanam suscepit naturam, et factus obediens usque ad mortem, praebuit hominibus exempla virtutum, seque ostendit mitem et humilem corde. Verum studiosa fidelium pietas alios invenit modos, quibus ad eundem finem devotio erga Amantissimum Cor Iesu iucundis uberibusque fructibus ferax propagatur. Penes quamplurimos Christifideles pia ac laudabilis viguit ac viget consuetudo gestandi supra pectus emblemata ipsius S Cordis Iesu, ad instar scapularis, quae consuetudo a Beata Margarita Alacoque quodam coelesti lumine illustrata originem duxit, et ab Apostolica Sede partialibus indulgentiis locupletata est. Quum vero similis devotio foveatur et maiora in dies capiat incrementa praesertim in Galliis finitimisque regionibus; humiles enixaeque preces Ssmo. Domino Nostro Leoni Papae XIII porrectae sunt, ut ad maiorem Regni Christi eiusque divini amoris propagationem et gloriam provehendam, scapulare proprie dictum Sacri Cordis Iesu, cum apposito ritu et formula benedictiones atque impositionis approbare dignaretur. Hoc scapulare conficitur ex binis de more partibus laneis albi coloris, per duplicem chordulam seu vittam coniunctis, quarum una habet emblemata Sacri Cordis Iesu, protipingi solet, altera autem refert imaginem B. Mariae V. sub titulo *Mater Misericordiae*. Sanctitas porro Sua, has preces peramanter excipiens, ex Sacrorum Rituum Congregationis consulto, scapulare supradescriptum benedicendum atque imponendum ritu et formula, quae huic praeiacent decreto, ab iis tantum quibus facultas ab Apostolica Sede concessa fuerit, approbare dignata est. Contrariis non obstantibus quibuscumque.

Die 4 Aprilis 1900.—CAL. CARD. ALOISI-MASELLA *Pro-Datarius* L. ✠ S.—S. R. C. *Pro-Praefectus*.—D. PANICI *Secr.*